

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجر قی اوله رق
اون بش غروش ضم اولنور

نسخه سی ٤٠ پاره در

حکومت محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

محاکمات مقدماتی

در سعادت استیناف مدعی عمومیلکی مأموریت بهر سنده
فساد مقصدیله امریقایه و بلغارستانه فرار
ایلدکلی ادعاسیله متهم بولنان آرام و اوسب
وموشخ حقلرنده اصول محاکمات جزائییه
قانوننک اوچیزیتش برنجی ماده سی موجبجه
معامله مقتضیه ایفا و محاکمه غیایه لری بالاجرا
نتیجه سنده متهم کدک پاشاده کلیسا جاده سنده
مقیم تکفور طاغلی کیغورقک اوغلی یکرمی
سکزی یاشارنده موشخ ایله مرقوم کیغورقک
قیزینک اوغللری آرام و اوسبک ارباب فساددن
اولدقلری و مذکور فسادک اجراسنی سویلشهرک
قرار ویرلردن بولندقلری و آمریقایه و بلغارستانه
فرار ایلدکلی دلایل و امارات ایله ثابت
اولدیندن قانون جزانک الی سکزنجی
ماده سنک ایکنجی فقره سنه توفیقاً اوچر سنه
مدتله قلعه بند ایدلرینه و اوتوز برنجی ماده
قانونیه منطوقجه حقوق مدنیه دن اسقاط
واموال مجوزهلرینک اداره ایتدیرلمسنه محکمه
جنایتدن حکم اولمش و اصول محاکمات جزائییه
قانوننک اوچیزیتش یدنجی و اوچیزیتش
سکزنجی و اوچیزیتش سکسان برنجی ماده لرله
مواد سائر سی احکامنه توفیق معامله اولمش
مرجعنه بیلدیرلش اولمغله مذکور اوچیز
یتش سکزنجی ماده نک جمله احکامندن اولدینی
اوزره اعلان کیفیته ایتدار قلندی.

محکمه تمیز استدعا دائره سندن تنظیم واعطا قلنان اعلامدر :

چتالجه سنجانی بدایت محکمه سی جزا دائره سندن
استینافاً لاحق اولوب ٩ حزیران سنه ٣٣١ تاریخده
تفهیم قلنان قرار ی ناطق ٩ حزیران سنه ٣٣١
تاریخی و ٦٠ عددلی اعلامک تمیزاً تدقیقی مستدعی
نیقولاک و بتقو ولد میلو طرفلردن مشترکاً ویریلان
١٦ حزیران سنه ٣٣١ تاریخی استدعایه و اوراق
مترعه سی باش مدعی عمومیلکی مأموریت بهیه سنک
٢١ تشرین اول سنه ٣٣٢ تاریخلو تبلیغنامه سی ایله
محکمه تمیز استدعا دائره سنه تودیع اولمش
و مرقوماندن نیقولاکینک اخیراً تمیز دعوان فراغت
ایتمش اولمسنه مبنی مذکور استدعایه نک مرقومه
تعلق ایدن قسمنک بشقه جه تنظیم واعطا قلنان اعلام
منطوقجه ردینه قرار ویریلهرک دیگر مستدعی
بتقویه عائد اولوب مدت قانونیه سی ظرفده اعطا
ایدلکی و شروط قانونیه سنه موافق اولدینی اکلاشیلان
قسمنک قبولیه تدقیقات تمیزیه اجراسنه ایتدار
اولندی.

اعلام مذکورک خلاصه مالی علیکساندر چورباچینک
برأس قصرانی سرقت ایتدکلی ادعاسیله مظلون
علیها اولان مرقوم نیقولاک ایله خرکه لجه طراند فیل
ومال مسروق بیلهرک آلدینی ادعا اولمسندن طولانی
کذلک مظلون علیه بولنان بتقو حقلرنده بدایت سبق
ایدن محاکمه مظلون مرقوموندن طراند فیل ایله
نیقولاکینک مدعابه قصرانی طاغ باشند و کیمسه نی
احضار ایتدکسزین مرقوم بتقویه صاندقلری و بتقو نیقولاک
بلا تذکره اشترا ایلدیکن کندولرینک طایعاً وقوع
بولان اقرارلریله تبیین ایلمسنه مبنی مرقوموندن
طراند فیلک اوچ ماه و نیقولاکینک التمش برکون
و بتقونک دخی ایکی ماه مدتله حبسلرینه دائر لاحق
اولان اعلام ابتدائی علیهنده مرقوموندن بتقو
و نیقولاک طرفلردن اقامه اولنان استیناف دعواسی
اوزرینه جریان ایدن محاکمه و تدقیقات استینافیه

نتیجه سنده حکم مستأنف بهک موافق اصول وقانون
اولدینی بیانیه اعلام ابتدائینک تصدیقه قرار
ویرلدیکن متضمندر.

لایحه تمیزیه ده مزبور قصرانک بایع مرقوم
طراند فیل امانه تسلیم ایدلکی مدعی علیکساندر
کهیانک حضور محکمه ده وقوع بولان افاده سندن
اکلاشلمش و بنا برین اورته ده فعل سرقت موجود
بولنامش اولدینی حلاله محکمه مذکورجه برمنوال
محرر حکم اولمش مغایر قانون اولدینی بیانیه اعلام
مذکورک نقضی استدعا ایدلمشدر.

مذکور تبلیغنامه ده دخی اعتراضات واقع نک
غیر وارد بولدیغنه مبنی تمیز استدعایه سنک ردی
لزومی کوسترلشدر.

ایجابی لدی المذاکره مستدعی بتقونک مال
مسروقی بیلهرک آلدیغنه دائر اسباب ثبوتیه قانونیه
غیر موجود و تذکره سز اشترا ایتش اولمش ده نظاماته
عدم رعایت نوعندن بر فعل و حرکتی اختیار دیمک
اولوب شو صورت محکمه استینافیه جه تطبیق ایدیلان
ماده قانونیه ده تعریف و بیان اولنان جرمک و وقوعی
اثبات امرنده دلایل کافی دن اولمادینی حلاله بورالری
نظر دقته آلمقسزین اعلام ابتدائینک تصدیق اولمش
یولسز و مغایر قانون بولدیغندن اصول محاکمات
جزائییه قانوننک اوچیز اون دردنجی و اوچیزاون
طقوزنجی ماده لری احکامنه توفیقاً اعلام مذکورک
مرقوم بتقویه عائد فقره حکمی سنک نقضه ١١ ایلول
سنه ٣٣٣ تاریخده متفقاً قرار ویرلدی.

مصطفی و مؤمنی جرح ایدهرک مصطفانک اثر
جرحدن وفاته سببیت ویردکلی ادعا اولمسنندن
دولای جنایتله اتهام اولنان حسینک اون بش سنه
مدتله کورکه قونلشنه و ابراهیمک دخی برائته دائر
سرفیچه سنجانی بدایت محکمه سی جزا دائره سندن
ویریلان ٧٠٦ نومرولی اعلام

معامله جبر و شدت اجراسیله پانده لینک اچیه سیله
ساعتی اخذ و سرقت ایتدیکن ادعا اولمسندن دولای

جنايته اتهام اولنان قوريجي حسيك دوت سته مدته كوركه قونلسنه دأثر درسعدت جنايت محكمه سندن ويريلان ۵ نومرولى اعلام

طورمش كيمايك ديوارنى دلهره اشياستى سرقة تصدى وعكاشى ومحمدك برأى قيوئى سرقت ايتدكرى ادعا اولنسندن دولاي جنايته اتهام اولنان عليك دوت سته مدته كوركه قونلسنه ومسلم واحمدك برأىلرينه دأثر حلب ولايتى استيناف محكمه سى جزا دأثر سندن ويريلان ۵۲ نومرولى اعلام

محمدي قتل ايتديكى ادعا اولنسنندن دولاي جنايته اتهام اولنان مصطفانك اون بش سته مدته كوركه قونلسنه دأثر قسطنونى ولايتى استيناف محكمه سى جزا دأثر سندن ايكنجى دفعه اولهرق ويريلان ۴۲۷ نومرولى اعلام

قورت بلن قريه لى جانيكى قتل قصديه جرح ايتديكى ادعا اولنسنندن دولاي جنايته اتهام اولنان ديقرانك اوج سته مدته كوركه قونلسنه دأثر اذميد سنجاني بدايت محكمه سى جزا دأثر سندن ويريلان ۴۶۶ نومرولى اعلام

بقال اصنافندن سمرجى اوغلى محمدامين افدينك خانه سى نزدبانى اوزرينه تهديد آمين مكتوب قويهرق پاره طلب ايتديكى ادعا اولنسنندن دولاي جنايته اتهام اولنان ابراهيمك بش سته مدته كوركه قونلسنه دأثر كوتاهيه سنجاني بدايت محكمه سى جزا دأثر سندن ويريلان ۲۳۳ نومرولى اعلام

ارغللو قريه لى محمدي قتل ايتديكى ادعا اولنسنندن دولاي جنايته اتهام اولنان يقوب اوغلى محمدك اون بش سته مدته كوركه قونلسنه دأثر قره حصار صاحب سنجاني بدايت محكمه سى جزا دأثر سندن ويريلان ۹۰ نومرولى اعلام

قره خليل اوغلى صالحلى قتل ايتديكى ادعا اولنسنندن دولاي جنايته اتهام اولنان موسانك حين ايقاع جرمده اون بش ياشنى اكال ايتامش اولديغندن قرقچي ماده قانونيه موجبنجه اون بش سته كوركه جزاسنك ثلثى اولان بش سته مدته حبس ايدلسنه دأثر خداوندكار ولايتى استيناف محكمه سى جزا داره سندن ويريلان ۵۴۴ نومرولى اعلام

قره چاي قريه لى يكن اوغلى ولىك محصولات وصانلغى احراق ايتديكى ادعا اولنسنندن دولاي جنايته اتهام اولنان عارفك اوج سته مدته كوركه قونلسنه دأثر چوروم سنجاني بدايت محكمه سى جزا دأثر سندن ويريلان ۲۱ نومرولى اعلام

ولى بك اوغلى محمدك كريمه سى حليمه لى قتل ايتديكى ادعا اولنسنندن دولاي جنايته اتهام اولنان

يوسفك اون بش سته مدته كوركه قونلسنه دأثر سينوب سنجاني بدايت محكمه سى جزا دأثر سندن ويريلان ۴۶۶ نومرولى اعلام

رصو بن حمدونى قتل ايتدكرى ادعا اولنسنندن دولاي جنايته اتهام اولنان اسماعيلك اون بش وعبداللهك الى سته مدته كوركه قونلرينه دأثر حلب ولايتى استيناف محكمه سى جزا دأثر سندن ايكنجى دفعه اولهرق ويريلان ۷۶ نومرولى اعلام محكمه تمين جزا دأثر سنجه تصديق قلمشدر .

درسعدت جنايت محكمه سندن تنظيم واعطا قتلان اعلامدر :

اوجيوز يكرى ايكى سنه سى كانوناينسك يكرى ايكنجى صالحى كوني شيله قضاسنه تابع ازالى قريه سنده طاشلى برون نام موقعه حسينى جرح و قتل ايتدكرى ادعاسيله مظنون عليهما اولان مذكور ازالى قريه سنده مقيم ومتولد رنجبر اولديغنى سويليان اوتوز ياشنده رضا ومرقومك برادري قرق بش ياشنده كورجى اسماعيل بنان عارفك جنجه ايله لزوم محاكمه لرينه قرار و برلش اولان قريه مرقوم لى قرق بش ياشنده ازالى ملا اوغلى على افندي ابن حسن ومختار قرق ايكى ياشنده رنجبرانن بكر اوغلى بكر بن مصطفى ايله برلكده محاكمه لرى اجرا ايدلك اوزره جنايته اتهام لرينه دأثر هيئت اتهامه دن لاحق اولان مضبطه واستيناف مدعى عمومى كليك ۱۶ تشرين اول سنه ۳۲۳ تاريخ و ۴۶۱ نومرولى اتهامنامه سى اوراق متفرعه سيله برلكده محكمه جنايه توديع قلمغه بالمطالعه تفصيلاتى اولابده طوتيلان ضبطنامه دن مستبان اوله جنى اوزره اصول محاكات جزايه قانونك باب نائيسنك فصل رابنده محرر اولان معاملات ابتدائيه بعدالايضا متهمان رضا واسماعيل ايله مظنون عليهما على وبكر افنديلرك اجراى محاكمه لرى ايجون اوجيوز يكرى اوج سنه سى تشرين نائيسنك اون بشنجى كوني تعيين قلدى .

يوم مذكوره متهملر على الاصول توقيف خانه دن ومظنون عليهما على وبكر افنديلر دى باجلبنامه اقامتگاهلرندن كتورديلهرك متهملرك وكيل مدافى حمدى افندى واستيناف مدعى عمومى كلى معاونلرندن عزتولو بهجت بك حاضر اولدقلى حالده محاكمه صالونه چقيلهرق اجراى محاكمه عليه ووجاهيه مباشرته مرقومون ايله وكيل مومى اليه اخذات لازم قانويه ايفا قلندقدن صكره هيئت اتهاميه مضبطه سى واتهامنامه ضبط كاتى على صائب افندى طرفندن قرائت اولندى .

مذكور مضبطه ده مظنون عليهما رضا واسماعيل بالاشتراك حسينى جرح و قتل ايش اولملرندن طولاي اتهام لرينه اوراق تحقيقيه ده محرر اخبارات ومعاييه راپورى مندرجاتى كافى كورلش وحركتلرى قانون جزانك يوز بشنجى ماده سى حكمى مستلزم افعال جنايه دن بولنش اولديغندن مستنطق طرفندن جنجه درجه سنده لزوم محاكمه لرينه قرار و برلش اولان ومقتولك جسدى اخفا ايتشيلر دينلان على وبكر افنديلر ايله برلكده محاكمه لرى اجرا قلمشق اوزره جنايته اتهام لرينه قرار و برلديكى محرر ومرقومان رضا واسماعيل مضبطه مذكوره مندرجاتى وجهله اتهام ايدللكلرى مسطر در .

اتهامنامه نك خلاصه مالى جانب رياستدن متهملر ايله مظنون عليهما تفهيم وانبا ومعاون مومى ايله طرفندن دى تشرى دعوى اولنسنى معقب متهملر ايله مظنونلر سولنديركده بولنردن متهم رضانك فعل مدعا به مجامرتى انكار وعبدالاستضاح برادري متهم اسماعيل ايله برلكده طاغده اودون كهره اخشام ساعت اون برينقده خانه سته عودت ايتديكى وبلا آخره مقتول حسينك آنالى چوجفك كدركندن بمشله كوروب كورمديكى كندوسندن صورديغنده كور . مديكى سولديكى وايرتسى كوني حسينك طاغده مقتولا بولنديغنى زوجه سندن ايتديكى وقعه كوني طاغده بولنديغى صرهه نردنده سلاحه متعلق برشى اولمادىغنى ومقتول حسين ايله وقعده دن چندكون مقدم منازعه ايتش ايسه لره منازعه لرى شقا طرزنده جريان ايتديكى واووقت مرقومى دوكمه قالمشمديغنى و طاغده كندوسنك اودون كسديكى محل ايله مقتول حسينك بولنديغى بر آرمه سى ايكى قورشون منزلى قدر اولوب چقور اولديغندن بولندقلى محلن كوزكز ايدوكى وكندى قريه لرينه اولان مسافه سى دى يارم ساعت اولديغنى ومقتول مرقومك بر بشقه سيله منازعه سى سبق ايدوب ايتديكى بيلمديكى ومرقومك جنازه نمازبه كشمديكى علاوه نذكر ايدى .

ديكر متهم اسماعيل وقعه حقنده بركونه معلومات ومشهوداتى بولمادىغنى ومقتول ايله منازعه لرى سبق ايتديكى كى كندوسى بچاق وساير آلات قاطعه وجارحه دى طاشياز اولديغنى ومقتولك تدفيننده ومنازنده حاضر ايدوكى سولدى .

مظنون عليهمان على افندى وقعه لى بركون صكره استخبار ايتش وشدتلى قيش اولوق حسيله حكومه اخبار ماده ايتكه امكان بوله مامش اولدقلى وميتى والدينى طاغده براغچ آتنده بولش اولدقلى واهالى محليه دن بعضيلرينك وبوينك حضوريله باقدقلى رنده ميتده بچاق كسيكه دأثر برشى كوره ميوب

آننجى بوغازى يقينده تخميناً مجيدى قطرينه قريه بر دليك كوردكرندن احتياطاً دفن ايتدكرى حالده وقعده دن ايكى كون صكره يعنى بخشنه كوني مقتولك يدري ووالده لى ميتك تعفن ايتديكندن وآغاچ آلتنده قلمش اولديغندن بمشله برآن اول تدفين اولنسى ايجون اصرار ايتدكرندن وقريه لرى سكرز خانه دن عبارت اولوب ژاندارمه نك بولنامسى ومركز قضا اولان شيله به سكرز ساعت بعد مسافده اولدقدن بشقه يولرك دى غير منتظم اولسى وفصله اولهرق كثرته قاريغمسى كى احوال واسباب ضروريه بناء بوينك رضاسى واذنيه واهالينك راييله بخشنه كوني مقتولى دفن ايتدكرى وبلا آخره حكومه باخبارنامه حكاه كيفيت ايتديكى وطيبك ورودى اوزرينه كندوسى قبرى آجديغنى بيان وعبدالاستضاح محل وقعه قريه به برچارىك مسافده ايدوكى ومتهملرك وقعه كوني محل وقعه به بش اون دقيقه قريه لى اولان موقعه اودون كسمكه اولدقلى ايتديكى علاوه درميان ايدى . ديكر مظنون عليه مختار بكر انندى دى على افدينك افاده سنى تكرار ولدى السؤال مقتولك بوينده كى ياره نك نه ياره سى اولديغنى كسدره مدكرى وقارك كثرت نزولندن وقت وزمانيله مركز قضايه كيديلهرك اخبار ماده اولنه مديعى وميتك وقعده دن ايكى كون صكره دفن ايدللكى وبلا آخره برقطعه اخبارنامه تنظيم ايله حكومه ارسال ايدللكى علاوه نذكر ايدى .

على هذا ۳۰ كانون ثانى سنه ۳۲۲ تاريخى وزرى شيله قوميسرى وزاندارمه لرى ايله ازالى قريه سى مختارينك واهالى محليه دن اوج آدمك امضا ومهر لرى حاوى ضبط ورقه سى و ۶ مائس سنه ۳۲۳ تاريخى ومحل مستنطق معاونى وازلى قريه سندن ايكى كسبه نك امضالرى محتوى ديكر ضبط ورقه سى ومقتولك معايينه سنى حاوى طيب راپورى ومتفرعاتى قرائت وتدقيق ايدلى . (مابعدى كله جك نسخه يه)

تودوسى ايكى ماه مدته ايشندن معطل ايدر درجه ده جرح ايتديكى تبين ايدن واسيلك برسنه مدته حبسنه ومصارف جراحيه ايله ايام مظهره اجرى بولنان بيك ايكى يوز غروشك بالتحصيل مجروح مرقومه ويرلسنه

آپوستولك اشياستى سرقت ايتديكى تبين ايدن كورجى آندريانك اوج ماه مدته حبسنه وختم مدت جزايه سنده ضابطه به كفالته ربطنه وموجود اشيا نك صاحبته اعاده سته اولغنى ضرب ايتديكى تبين ايدن على افنديلر ايكى آتون آلهرق مضروبيه ويرلسنه

عليك امواله ايراث خساره برابر تشهير سلاحه دى جرأتلى تبين ايدن عبد الرحمن ايله خليلك اون بشر كون مدته حبس لرينه

بر شخصك جاكتنى سرقت ايتديكى ثبوت بولان مانولك اوج ماه مدته حبسنه وختم مدت جزايه سنده ضابطه به كفالت ربطنه لوقه وغوغونى اجراى مأموريت حالده ضرب ايتديكى تبين ايدن پوليس شوكت افدينك ايكى ماه مدته حبسنه

يوسفك رضايى ضرب وجرح ايتديكى ثابت اولديغندن بر هفتة مدته حبسنه استراطينك نيقوليك جاملر لى قيدى ثابت اولديغندن يكرى دوت ساعت مدته حبسنه والى بشلك جزاى نقدى آلمسنه

راسمك سلاح طاشيدى ثابت اولديغندن بش بشلك جزاى نقدى آلمسنه يوركى ضرب وجرح ايدن طلومبه جى آتريانكك اون بش كون مدته حبسيله برابر بر ليرا آلتوب يوركى به اعطاسنه

باسقالك اچمى سرقت ايدن سودجى حيدر ك اوج ماه مدته حبسيله برابر كفالته ربطنه وسرقت ايتديكى معلوم المقدار اچمى دى بالتحصيل مرقوم باسقاله اعطاسنه

قوجونى ضرب ايتديكى تبين ايدن حال توفيقك اون بش كون مدته حبسنه

حقينك خلاف ممنوعيت سلاح طاشيدى ثابت اولديغندن بش بشلك جزاى نقدى آلمسنه قسطنيك امواله ايراث خسار ايتديكى ثابت اولان اناستاشدن اون بشلك جزاى نقدى آلمسنه وانكلى ضرب ايدن ديمتريك اون كون مدته حبسنه بك اوغلى بدايت محكمه سى جزا دأثر سنجه قرار ويرلشدر .

مجاملات نيبا هيه

نك قضاسى بدايت محكمه سى مدعى عمومى معاونى وكلى پوليس داود صدق افدينك وظيفه قانونيه سنى سوء استعمال ايتديكى سوريه ولايتى استيناف محكمه سى مدعى عمومى كلىلر واردا اولان اوراق تحقيقه مندرجاتدن اكلا شلمسنه مبنى مومى اليك محاكمه آتته آلمسنه عدليه نظارت جليله سندن مأذونيت ويريلهرك مذكور مدعى عمومى كلى تبانيات لازمه اجرا ايدلشدر .

اعلانات

درسعدت استيناف مدعى عمومى كلى مأموريت بره سنده :

ليلا معامله جبر وشدت اجراسيله اسماعيل حقى افدينك اچمى سنى اخذ وسرقت ايتديكى ادعاسيله مظنون عليه اولوب آينىلى چشمه ده التى اوجاقلر زقاغنده مارغارونك اوطه باشى بولنديغى ۱ نومرولى خانه ده مقيم ايكى وقعه لى متعاقب قرار ايتش اولان واوصاف واشكالى غير مضبوط بولنان طاشجى بيناردونك اصول محاكات جزايه قانونك مواد مخصوصه سى احكامنه توفيقاً جنايت محكمه سنده محاكمه سى اجرا قلمشق اوزره قانون جزانك ايكى يوز اون سكرنجى ماده سى موجبنجه جنايته اتهامه قرار ويرلديكندن متهم مرقومك هر زرده كوريلور ايسه طوتيلوب محكمه مذكوره توقيف خانه سته تسليمى لازم كله جكى بالجله ضابطه عدليه مأمورلرينك معلومى اولوق اوزره اشبو اخذ وكرفت مذكره سى درسعدت هيئت اتهاميه سندن بالتنظيم اعطا قلدى .

نجات بحره حكومنده :

بك اوغلنده ۱۶۴ نومرولى مغازه ده ساكن ايكى تجارت بحره محكمه سندن افلاسنه حكم اولنش اولان تحفيه جى اغيا شاخياز يانك خصوصات افلاسنك رؤيت وتسويسى ضمانت دعوى وكيللرندن عثمان طلعت بك ايله مارقو ناحوم افندى اصالة سنديك تعيين قلمش اولدقلى مفسل مرقوم ذمتده آله جنى اولانلرك قانوننامه تجارتك ۱۹۹ و ۲۰۰ نجى ماده لرى موجبنجه تحقيق ديون ايجون تاريخ اعلانن اعتباراً يكرى بر كون ظرفنده سندى محكمه كاتبه تسليم ايلدى ومدت مذكوره ختامندن صوكره اوج كونده يعنى ۳۲۴ سنه سى مارتنك اون يدنجى بازار ايرتسى اون سكرنجى صالحى واون طقونجى چهارشنه كونلرى تجارت بحره محكمه سنى مصالح افلاسه رؤيته مخصوص اوطه سته كلهرك سنديك افنديلر مواجه سنده آله جقلى اثبات وقيد وتصديق ايتدملرى ومدت مذكوره اثبات وجود ايدمه ميان آله جقلىر حقدنه قانون مذكورك ۲۱۰ نجى ماده سته توفيقاً ايفائى معامله اولنه جنى اعلان اولتور .

مكرم نجات امرا داره سنده :

وانيو وخرستو بروقو برادرلرك طاووقچى پترو ذمتده ايكنجى تجارت محكمه سى اعلاميله آله جنى

اولان مبالغت تسويه سی ایچون مولویخانه قوسی
خارجنده مرکز افندی محله سنده تکیه جاده سنده
۲ نومرو ایله مرقم قیاق مصطفی پاشا وعایشه خاتون
وقفلی ایله مخلوط اولوب دروننده مع آخور ومطبخ
ایکی باب بانچوان اوطه سنی واشجار مشمره وغیر مشمره
وایکی دونم محله کرم مغروسه نی وطولابی کیر
قیونی مشتمل علی التخمین یکر می بش دونم مقداری
قراکلی بوستان دیمکه معروف معلوم الحدود بر باب
بوستانده قیاق مصطفی پاشا وقفندن اولان کدک
یوز یکر می سهم اعتباریله قرق بش وعایشه خاتون
وقفندن اولان کدک بر اعتبار مذکور اوتوز
سهلرندن مدیون مرقوم پترونگ متوفی پدرندن
منتقلاً متصرف اولسی لازم کلان نصف حصه لری
بونندن اقدم موقع مزایده یه قونیه رقی لیرای عثمانی
یوز غروش حسابیله سکزیبیک غروشدی طالبی عهده سنده
قلمش واشبو مارت رومینگ برندن اعتباراً اوتوز برکونه
یعنی کله جک نیشان رومینگ برنجی صالی ساعت اونه
قدر یوزده بش ضم قبول اولمسی و ذکر اولنان یوم
وساعتده صوک مزایده سی بالاجرا قرار قطع سی
ویریلرک طالبی عهده سنده کچورلمسی مقرر بولمش
اولدیغندن و آندن صوکره هر نه ضم وقوع بولورایسه
قبول اولمیه جغندن مذکور حصه لره یوزده بش ضم
ایله طالب اولانلرک و اطرافیه معلومات آلی ایستینلرک
مدت مز بوره ظرفنده بدل مزایده نک عشرینه
مساوی پی ایچ سیله برابر محکمه تجارت اجرا دائره سنه
مراجعت ایملری و یوم و وقت مز بورده مذکور
بوستان پیشکاهنده مأموری مواجهه سنده حاضر
بولملری اعلان اولنور .

متوفی تر جان اوغلی نیقوله نک طناش ولد آندون
ذمتده ایکنجی تجارت محکمه سی اعلامیه محکوم به
اولان آله جغندن طولانی متوفای مرقوم ور نه سندن
لئونیدانک حصه مطلوبنک استیفاسی ایچون بک اوغلنده
قر خاتون محله سنده قالیونجی قولغی جاده سنده ۵۸
ومکرر ۵۸ نومرولریله مرقم فوقنده ایکی باب اوطه نی
و آلتنده محزن و برقیو ومشمولات سائر نی حاوی
سنوی التمش عدد ایرای عثمانی ایجار کتوریر کار کیر
دکانده مدیون مرقومک متصرف اولدیغنی نصف حصه
شایعه سی اشبو مارت رومینگ برندن اون بش کون
صوکره موقع مزایده قونیه جغندن اشترایه طالب
اولانلرک و اطرافیه معلومات آلی ایستینلرک محکمه
تجارت اجرا دائره سنه مراجعت ایملری اعلان
اولنور .

در سعادت اعمال نظامی اجراء دأره سنده :

سعادتو عثمان فوزی پاشانک عزتو عباد بک
ذمتده محکوم به آله جغندن طولانی محجوز وفروختی
مقرر بولنان چقور چشمه جوارنده کال پاشا محله سنده
اغا یقوشنده کائن تخمیناً ایکی یوز یتش ذراع عرصه
اوزرینه مبنی اخشاب اوچ قاتدن عبارت اون بر اوطه
وایکی صالون و چائی آر می وزمین قاتنده کار کیر
مطبخ و قیو و اتصالننده تخمیناً طقسان ذراع باغچه
ومشمولات سائر نی حاوی وجهات ثلثه سی طریق ایله
محدود ۳۳ نومرولی بر باب خانه اجرا قلنان مزایده
نتیجه سنده لیرای عثمانی یوز غروش حسابیله التمش
بریک غروشدی طالبی عهده سنده تقریرایده رک موقتاً
قرارداده سی کشیده قلنمش اولدیغندن یوزده بش
ضم ایله طالب اولانلرک تاریخ اعلاندن اعتباراً نهایت
اوتوز بر کون ظرفنده در سعادت اعلامات نظامیه
اجرا دائره سنه مراجعت ایملری ومدت مذکور نک
ختامنده یعنی ۳۲۴ سنه سی نیساننک ایکنجی چهارشنبه
کونی ساعت اوچ راده لرنده املاک مذکور پیشکاهنده
مأموری مواجهه سنده حاضر بولملری دائره مذکور دن
اعلان اولنور .

قواله تجارت محکمه سنده :

قواله تجارت محکمه سندن افلاسنه حکم اولنمش
اولان قواله ده مقیم فراتلی نسیم شرکتی ذمتده کی
آله جغنی اثبات و یا موقتاً قبول وقید ایتدیرمش اولان
آله جقورلرک قانونامه تجارتک ۲۱۱ نجی و آتی ولی
ایدن ماده سی موجبجه مفلس طرفندن تکلیف
اولنه جق قوتقور داتونک مذاکره سی ایچون اشبو
۳۲۳ سنه سی شباطنک یکر می التجی صالی کونی
محکمه مذکور نک مصالح افلاسیه رؤیته مخصوص
اوطه سنه کلری اعلان اولنور .

آطه تجارت محکمه سنده :

آطه ده بغدادی بازارنده مقیم بقال ابراهیم
و شریکی یوسفک ۳۱ کانون ثانی سنه ۳۲۳ تاریخندن
اعتباراً اعلان افلاسنه و مصالح افلاسیه نک رؤیت
وتسویه سی ضمننده اعضای محکمه دن رفعتو محمود
افندینک ژور قومیسر و دعوی وکیللرندن کریاقو
افندینک موقت سندیک تعینلرینه و مغازه سیله اشیای
زائده بیتیه لری نک تمهیرینه و اوراق و دفاترینک جلبنه
و کفالت مصدقه ارانه ایده مدکری تقدیرده حبس
وتوقیفلرینه و بوباده کی قرارک موقتاً اجراسنه آطه
تجارت محکمه سنجه قرار ویرلش اولدیغندن قانونامه
تجارتک ۱۷۰ نجی ماده سی موجبجه دائمی سندیکلر

انتخاب اولنق اوزره اشبو ۳۲۳ سنه سی شباطنک اون
دردنجی پنجشنبه کونی ساعت التی راده لرنده اصحاب
مطلوبک محکمه مذکور نک مصالح افلاسیه رؤیته
مخصوص اوطه سنه کلری اعلان اولنور .

اسکیشهر تجارت محکمه سنده :

اسکیشهرک طاش باشنده تحفیه و عطاریه تجارتیه
مشغول ایکن اسکیشهر تجارت محکمه سندن افلاسنه
حکم اولنمش اولان آغوب بغده صاریانک خصوصات
افلاسیه سننک رؤیت وتسویه سی ضمننده دعوی
وکیللرندن قره بت افندی اصالة سندیک تعین قلنمش
اولدیغندن مفلس مرقوم ذمتده آله جنی اولانلرک
قانونامه تجارتک ۱۹۹ و ۲۰۰ نجی ماده لری موجبجه
تحقیق دیون ایچون تاریخ اعلان اعتباراً یکر می بر
کون ظرفنده سنداتی محکمه کاتبه تسلیم ایملری
ومدت مذکور ختامندن صوکره اوچ کونده یعنی
۳۲۴ سنه سی مارتنک دردنجی صالی بشنجی چهارشنبه
والتجی پنجشنبه کونلری محکمه مذکور نک مصالح
افلاسیه رؤیته مخصوص اوطه سنه کلرک سندیک
افندی مواجهه سنده آله جقورلری اثبات وقید وتصدیق
ایتدیرملری ومدت مذکورده اثبات وجود ایده میان
آله جقورلر حقدده قانون مذکورک ۲۱۰ نجی ماده سنه
توفیقاً ایفای معامله اولنه جنی اعلان اولنور .

مهر مصطفی پاشا تجارت محکمه سنده :

جسر مصطفی پاشا قصبه سنک قفلی محله سنده مقیم
ذخیره تجارتیه مشغول دیراغان حاجی ایلینک ۳
کانون ثانی سنه ۳۲۳ تاریخندن اعتباراً اعلان افلاسنه
ومصالح افلاسیه نک رؤیت وتسویه سی ضمننده اعضای
محکمه دن نجیب افندینک ژور قومیسر و تجارتدن نپدی
اوغلی انستاش ایله بزاز یاسف افندیلرک موقت
سندیک تعینلرینه و مغازه سیله اشیای زائده بیتیه سنک
تمهیرینه و اوراق و دفاترینک جلبنه و کفالت مصدقه
ارانه ایده مدکری تقدیرده حبس وتوقیفنه و بوباده کی
قرارک موقتاً اجراسنه جسر مصطفی پاشا بدایت محکمه سی
تجارت قسم سنجه قرار ویرلش اولدیغندن قانونامه تجارتک
۱۷۰ نجی ماده سی موجبجه دائمی سندیکلر انتخاب
اولنق اوزره ۳۲۴ سنه سی مارتنک اون اوچنجی
پنجشنبه کونی ساعت التی راده لرنده اصحاب مطلوبک
محکمه مذکور نک مصالح افلاسیه رؤیته مخصوص
اوطه سنه کلری اعلان اولنور .